

Tiada lagi program khas haji tajaan 1MDB
Astro Awani
30 Julai 2018
Hafiz Marzukhi

KUALA LUMPUR: Tiada lagi Program Khas Haji tajaan Yayasan 1MDB mulai tahun ini.

Menteri di Jabatan Perdana Menteri Datuk Dr Mujahid Yusof Rawa berkata program tersebut tidak diteruskan memandangkan sumber dana tersebut mempunyai kaitan dengan 1Malaysia Development Berhad (1MDB) yang masih dalam siasatan pihak berkuasa.

"Sejak 2011 hingga tahun lepas, seramai 5,711 jemaah haji telah ditaja dengan kos hampir RM57 juta," katanya ketika menjawab soalan lisan daripada Datuk Seri Ahmad Maslan (BN - Pontian) di Dewan Rakyat hari ini.

Ketika soalan tambahan, Ahmad meminta pertimbangan kerajaan untuk membenarkan 1,200 jemaah yang sudah menerima surat tawaran untuk mengerjakan haji pada tahun ini.

"Apa salahnya untuk memberi kuota kepada mereka untuk menunaikan haji," kata Ahmad.

Jawab Mujahid, keutamaan pemberian kuota adalah untuk mereka yang pertama kali mengerjakan haji.

"Saya ingin jelaskan bahawa kuota mereka ini datang dari Yayasan 1MDB, jadi Kerajaan baharu tidak akan mengambil kuota ini daripada Tabung Haji walaupun penerima tawaran sanggup membayar sendiri untuk mengerjakan haji," katanya.

2018Astro Awani Network Sdn. Bhd.

(535275-D) All Rights Reserved.

Source: <http://www.astroawani.com/berita-malaysia/tiada-lagi-program-khas-haji-tajaan-1mdb-181704>